

續
文
獻
通
考

續文獻通考卷之一百九十二

皇明進士雲間王圻纂輯

封建考 金

金

熙宗天眷元年十月始定封國制其制属于吏部凡封王

大國號二十曰恒

明昌二年以漢遼唐宋梁秦殷楚類皆昔有天下之號不宜封臣下遂皆

改之

舊為梁

汴

舊為秦

高

舊為秦

并

舊為漢

益

舊為漢

彭

舊為齊

誰

舊為梁

郢

舊為楚

魯

舊為秦

冀

舊為秦

絳

舊為唐

充

舊為吳

陳

曹

次

國

三十曰涇

舊為隋

鄭

舊為韓

路

舊為幽

潘

舊為岐

薛

紀

舊為昇

邢

舊為翼

畢

鄧

舊為霍

蔡

舊為瀛

沂

舊為荆

英

壽

溫

小

國

三十曰濮

舊為遂

道

舊為定

景

舊為後

改申

續文獻通考

卷之一百九十二

一

莒鄆郛舒淄郛萊

舊為宋以
避諱改之

郛杞向管

舊為郛興密
定元年改

昨任載華將

士民須知
云舊為莒

蕭莘蒨封王之郡號十金源廣

平平原南陽常山太原平陽東平安定延安封公主之

縣號三十樂安清平逢萊滎陽棲霞壽光靈仙壽陽鍾

秀惠和永寧慶雲靜樂福山隆平德平文安福昌順安

樂壽靜安靈壽太寧聞喜秀容宜芳真寧嘉祥金鄉華

原凡白號之姓完顏溫迪罕夾谷陀滿僕散木虎移刺

答幹勤幹準把阿不罕卓魯回特黑罕會蘭沈谷塞蒲

里吾古孫石敦卓陀阿厮準匹獨思潘朮古詣石刺石

古苦綴罕光吉刺皆封金源郡裴滿徒單溫敦兀林答

阿典紇石烈納蘭孛本魯阿勒根納合石蓋蒲鮮古里

甲阿迭聶模纒抹撚納坦兀撒惹阿鮮把古溫古孫禘
盤散合烈吾塞和速嘉能偃阿里班兀里坦聶散蒲速
列皆封廣平郡吾古論兀顏女奚烈獨吉黃摑顏盪蒲
古里必蘭幹雷獨鼎尼龐窟亦作古拓特合散撒荅牙阿
速撒剌準土谷納謀魯業速布安煦烈愛申拿可貴益
昆溫撒梭罕霍域皆封隴西郡異號之姓唐括舊作蒲
察朮甲蒙古蒲速粘葛與屯斜卯準諱蠻獨虎朮魯磨
輦益輦帖暖蘇字輦皆封彭城郡其封爵正從品級高
下正從一品曰郡王曰國公正從二品曰郡公正從三
品曰郡侯正從四品曰郡伯正五品曰縣子從五品曰
縣男凡食邑封王者萬戶實封一千戶郡王五千戶實

封五百戶國公三千戶實封三百戶郡公二千戶實封
二百戶郡侯一千戶實封一百戶郡伯七百萬戶縣子五
百萬戶縣男三百戶皆無實封 皇統元年正月定命婦
封號一字王者母妻爲正從一品次室封王夫人 承
安二年敕王母妻止封王夫人次室封孺人郡王母妻
封郡王夫人國公母妻封國公夫人郡公母妻封郡公
夫人郡侯母妻封郡侯夫人五品文散少中大夫武散
懷遠大將軍以上母妻封郡君五品文散朝列大夫武
散宣武將軍以上封縣君

舊封郡君後改

海陵正隆二年二月改定親王以下封爵等第命置局追
取存亡告身存者二品以上死者一品恭酌削降公私

文移但有王爵字者皆立限毀抗鮭墳墓碑誌並廢而毀之

宣宗興定元年徒單頑僧言兵興以來恩命數出以勞進階者比年尤多賤職下僚散官或至極品名器之輕莫此爲甚自今非親王子及職一品餘人雖散官至一品乞皆不許封公若已封雖不追奪其儀衛亦當降從二品之制從之

同姓封爵

金初親王皆以功封至後世或以私封者

石土門始祖弟保活里四世孫正隆二年封金源郡王完顏忠本名廸古乃石土門之弟大定二年追封金源郡王

完顏賽不亦保活里之後哀宗時爲右丞相樞密使無副
元帥封壽國公

右始祖之世

辭不失昭祖子烏骨出之次子正隆二年追封曹國公大
定三年進封金源郡王

昂昭祖子跋黑之孫本名奔睹大定時官太保兼都元帥
封漢國公

宗賢不失之孫本名賽里皇統四年封幽國公後爲海陵
所殺

興浩字師孟昭祖四世孫明昌二年封榮國公

襄昭祖五世孫世宗時爲平章政事封蕭國公旋進拜右

丞相徙封戴章宗即位改封任後封常山郡王又以郊祀禮成進封南陽郡王

右昭祖之世

韓國公劾者景祖長子天會十五年追封韓王正隆二年例降封韓國王

沂國公劾孫景祖子天會十五年追封沂王正隆二年例降沂國公

代國公劾保孫景祖子天會十五年追封代王正隆二年例降封代國公

虞國公麻頗景祖子天會十五年追封虞王正隆二年例降封虞國公

隋國公阿離合懣景祖子天會十五年追封隋王天德中改封隋國公

鄭國公謾都訶景祖子天會十五年追封鄭王正隆二年例降封鄭國公

撒改劾者子天會十五年追封燕國王正隆二年例降陳國公大定三年改封金源郡王

幹魯劾者子官西北路都統封金源郡王

昱本名蒲家奴劾孫子天會時封王正隆中例降豫國公

晏本名幹論阿離合懣次子皇統元年封葛王進封宋王海陵時累封豫王許王又封越王元貞時進封齊王

正隆例削王爵世宗時封平原郡王

宗幹本名粘沒喝撒改子天會初封晉國王追封周宋國王正隆二年例降金源郡王大定中改秦王

宗憲撒改子天德初封河內郡王進封鹿郡王後例奪王爵

宗尹本名阿里罕阿離合滿孫太祖時以宗室充護衛後拜平章政事改封代國王

銀术可宗尹子天會十三年以功封蜀王正隆二年例降金源郡王

阿離補系出景祖皇統三年以功封譚國公

宗道本名八十系出景祖太尉訛論少子天眷中追封

齊國公天德二年加秦漢國王正隆二年例改封金源郡王大定時進封楚王

右景祖之世

果本名撒離喝安帝六世孫皇統三年以功封應國公後爲海陵所害大定三年追封金源郡王

右安帝之世

魏王幹帶世祖子年二十餘佐太祖拔留可城旋遇疾早卒天會十五年追封魏王

遼王果本名斜也世祖第五子太祖母弟皇統二年追封遼越國王正隆時例降封遼王

鄭王幹賽世祖子皇統五年追封鄭王

魯王幹者世祖子受封歲月未詳

魯王闡母世祖子天會六年薨追封吳國王正隆時改譚王大定二年徙封魯王

漢王烏古乃時封未詳

鄆王昂本名吾魯古世祖幼子皇統元年封漆水郡王二年詔昂署銜帶皇叔祖字薨後追封鄆王

宗永幹賽子天會十五年追封魯王正隆時例降封公
宗本幹賽子本名挑撻天會時追封魯王正隆時例降封公

神王懋幹者子天會時封金源郡王

宗義斜也子本名字官平章政事為海陵所殺大定

二年追封衛王

思敬本名撒改神土滿子天德時封河內郡王徙封鉅鹿正隆二年例奪王爵大定二年封濟國公

承暉昂之孫本名福興宣宗時拜平章政事兼都元帥封鄒國公遷汴後封定國公守中都盡節死追封廣平郡王

匡世祖九世孫章宗時以拒宋功封定國公衛紹王封申王

右世祖之世

溫國公釋酷欵封時未詳

崇國公蒲魯虎封時未詳

右肅宗之世

金源郡王勗本名烏野字勉道穆宗子皇統八年封魯國王進漢國王海陵收人望封秦漢國王又封周宋國王正隆時例降金源郡王

魯國王昌本名撻懶穆宗子天會十五年爲左副元帥封魯國王後與翼王鶻懶謀反熙宗誅之

齊國公蒲察穆宗子封時未詳

崇國公蒲里迭穆宗子封時未詳

宗秀子天德初封宿國公復封廣平郡王正隆時例降王爵

右穆宗之世

續文獻通考

卷之二百九十二

楚王宗雄本名謀良虎康宗子天眷中追封齊國王天德二年加秦漢國王正隆二年改金源郡王大定二年追封楚王

宗國公偃可康宗子天德時封廣平郡王正隆時例奪王爵大定元年封宗國公

懿答海宗雄次子天眷二年封金源郡王進封譚王海陵時進封鄆王改魏王正隆時例奪王爵世宗時封蘭陵郡王進金源郡王

右康宗之世

遼王宗幹太祖子官太師領三省事天眷二年進封梁宋國王海陵追稱爲帝大定初改遼王

宋王宗望太祖子本名幹離不官左副元帥天會十三年封魏王皇統三年進封許國王又徙封晉國王天德二年改遼燕國王正隆時例降封大定二年改宋王梁王宗弼太祖子本名兀术官太師領三省事右副元帥熙宗時封潘王又封越國王後封梁王

豐王烏烈太祖子封時未詳

趙王宗傑太祖子本名沒里野天眷元年追封越王大定間進封趙王

陳王宗雋太祖子本名訛魯觀官爲右丞相天眷元年封陳王二年進封克國王以謀反誅

潘王訛魯太祖子封時未詳

幽王訛魯系太祖子封時未詳

衛王宗強太祖子本名阿魯天眷元年封紀王三年封衛王

曹王宗敏太祖子官左丞相天眷元年封邢王進封曹王
後爲海陵所殺

紀王習泥烈太祖子封時未詳

息王寧言太祖子封時未詳

宮王燕孫太祖子封時未詳

鄭王幹忽太祖子封時未詳

玄宗幹子本名神土門皇統間封淄國公進封代王卒

後追封鄭王

克宗幹子本名梧桐元貞元年封王爵

襄宗幹子本名永康海陵母弟天德初追封衛王大定
中降

文宗望子爲大名尹皇統六年封荆王

亨宗弼子本名亨迭烈宗封蒨王海陵殺之大定間追
封韓王

奭宗傑子爲會寧牧大定初封鄧王

爽宗強子本名阿鄰官太子太傅世宗時封溫王進封
壽王又更英王終封榮王

褒宗敏子封舒國公

阿里罕宗敏子封密國公

元習泥烈子封胙王

和尚賜名樂善襄之子封應國公後以謀反誅

右太祖之世

宋王宗盤太宗子官太師領三省事熙宗時封宋國王天眷二年以謀反誅

幽王宗固太宗子官右丞相大定二年追封魯王

代王宗雅太宗子大定二年追封曹王

虞王阿魯補太宗子天眷元年封阿魯補等十二人爲王補爲虞王

滕王斛沙虎太宗子

薛王宗懿太宗子大定二年追封鄭王

涼王宗本太宗子官左丞相大定二年追封潞王

翼王鶻懶太宗子天眷二年以謀反誅時太宗諸子皆降封

豐王宗美太宗子本名字吉爲海陵所殺大定二年追封衛王

鄂王神土門太宗子大定二年追封幽王

霍王斛孛東太宗子大定二年追封審王

蔡王幹烈太宗子大定二年追封鄂王

畢王宗哲太宗子大定二年追封韓王

徐王宗順太宗子大定二年追封隋王

右太宗之世

魏王道濟熙宗第二子皇統二年命爲中京留守封魏王
後熙宗殺之

右熙宗之世

崇王元壽海陵子天德二年封

宿王矧思阿不海陵子封時未詳

滕王廣陽海陵子正隆三年封旋卒

右海陵之世

齊王吾里補睿宗子大定時封

右睿宗之世

鎬王永中世宗子本名實魯刺大定元年封爲許王七年

進越王十一年進趙王明昌元年進漢王二年進并王

三年進錫王以謀反誅降庶人泰和七年復王爵

尤王執釐世宗子本名胡土瓦大定元年封爲楚王後封

趙王

越王斜魯世宗子封時未詳

越王永功世宗子本名宋葛又名廣孫沉默寡言笑勇健
過人涉書史好法書名畫大定四年封鄭王七年進隋
王十一年進曹王明昌元年進冀王二年進魯王承安
元年進郢王大安元年封譙王二年進越王

豫王永成世宗子本名鶴野又名婁室大定七年封瀋王
十一年進幽王明昌元年進吳王二年進亮王承安元
年進懷王

卷一百一十一
十一
廢王承壽世宗子本名微壽後改允升大定十一年封徐
王承壽進虞王明昌元年進隋王二年改曹王久之改
憲王衛紹王即位徙廢王

鄭王承壽世宗子本名銀木可又名石狗兒大定十一年
封滕王未幾進徐王明昌元年進衛王二年進鄭王四
年以謀反賜自盡

潞王承德世宗子本名訛出大定二十七年封薛王二十
九年進潘王明昌元年進幽王承安二年進潞王

按春永蹈子封鞏國公與永蹈同謀反棄市

壽永功子本名壽孫明昌元年封密國公

瑒永功子本名福孫明昌元年封蕭國公

吾親祔不知誰子世宗稱大定十九年封溫國公

右世宗之世

鄆王琮顯宗子本名承慶大定十九年封道國公明昌元年封鄆王

瀛王璟顯宗子本名歡賻大定二十二年封崇國公明昌元年封瀛王

霍王瓚顯宗子本名阿鄰又名從彛大定二十二年封宿國公二十六年賜名瓚明昌元年封沂王後改封霍王瀛王璟顯宗子本名吾里補又名從憲明昌元年封壽王承安元年封英王四年改瀛王泰和五年改賜名八年薨

溫王玠顯宗子本名謀良虎明昌元年封溫王三年薨
從厚琦子封艾國公歲月未詳

右顯宗之世

絳王洪裕章宗子三歲卒明昌三年賜名追封

荆王洪靖章宗子本名阿虎懶二歲卒承安四年賜名追
封

榮王洪熙章宗子本名幹魯不末彌月卒承安四年賜名
追封

英王洪衍章宗子本名撒改未周歲卒承安四年賜名追
封

壽王洪輝章宗子本名訖論彌月封壽王旋卒

葛王忒鄰章宗子既封本年薨

右章宗之世

荆王守純宣宗第二子本名盤都大安元年封濮王興定二年進英王正大中封荆王天興二年虜于元死青城誰可守純長子始封肅國公天興元年進封曹王出質軍前

守純次子封戴王

史失其名

孛德守純三子封鞏王

右宣宗之世

異姓封爵

婁室字幹里衍完顏部人佐太祖創業皇統元年追封等

王正隆時例降金源郡王

活汝妻室子與父同佐太祖累破宋有功封廣平郡王正隆時例降封代國公進封隋國公

謀衍妻室子世宗爲東京留守首以臣禮上謁世宗即位拜右副元帥累征伐有功封榮國公

完顏希尹本名希正惟都子太祖舉兵常在行陣皇統時以功追封豫王正隆時例降金源郡王

李師夔字賢能永興人天輔中以奉聖州降後屢破張勝焦望天尹智穆諸賊封任國公

左企弓字君財蘇州人天輔中以燕京降仍封燕國公時虞仲文康公弼同降仲文封秦國公公弼封陳國公

蕭王奚人從蕭裕經宗太罪剪太宗諸子海陵以爲功拜
右丞相封陳國公後海陵至南京以王爲左丞相封吳
國公

時立愛字壽昌涿州人遼太康九年進士天輔時以功封
陳國公天會十年改鄭國公

韓金先燕京人遼知古之後中乾統時進士歸金累官尚
書左僕射兼侍中封楚國公

李成字伯友雄州歸信人能挽弓三百斤聚衆爲盜爲宋
兵所破遂歸劉豫豫廢歸金以功爲河南尹都管押本
路兵馬正隆間爲真定尹封郡王例降封濟國公

孔彥舟字巨濟相州林慮人少無賴爲盜後從劉豫伐宋

又從宗弼取河南克鄭州有功累官兵部尚書漁色親女有禽獸行初封廣平郡王正隆時例降封公

張中孚字信甫其先安定人宋廢國公達之于山宋歸金臣劉豫豫廢復歸宋金取河南又歸金身若趨市惟利所在或南陽郡王改封宿王又進封崇王卒後贈鄒王正隆時例降原國公

斜卯阿里父渾坦穆宗時內附阿里與石適懽琴高麗一日之間三破遼敵尤習番語江漢用兵無役不從時人以宗室日之爲迭里部第...
南尹天德初致仕加特進封王正隆時例降封韓國公
突合速罕罕塞人亦宗室子佐宗翰伐宋有功天眷三年

爲元帥左監軍天德間封定國公授世襲千戶正隆二年贈應國公

烏延滿盧渾暑懶路人能挽強二百七十步海陵封幽國公大定時仍舊封

赤盞暉字仲明其先附于遼居張皇堡故皆以張爲姓暉于天德二年以功封河內郡王又封戴王正隆時隆景國公未幾封濟國公尋改榮國公

大臭本名撻不野其先遼陽人臭佐太祖屢有戰功天德二年拜尚書右丞相封神麓郡王元貞三年拜太傅領三省事累封漢國王卒贈晉國王正隆時奪王爵贈太傅梁國公

夾谷吾里補哈吉渾河人始隸婁室帳下屢有戰功累官
孛特本部族節度使以老致仕封芮國公卒年百有五
歲

王伯龍潘州雙城人天輔二年率衆來歸屢破敵有功累
官益都尹封廣平郡王正隆時例降封定國公

高彪渤海人幼時見罪于父潛匿所親家爲厮養及父老
嘗從軍悵然謂所親曰吾兒若在可勝軍矣所親具以
實告因代其父行戰出河店遼兵旣敗猶力戰不休軍
師識爲勇士募生致之後屢立戰功累官兵部尚書改
京兆尹封邵國公以憂去官起復爲樞密副使封舒國
公

耶律懷義遼宗室遼主謀奔于夏懷義止之不見聽乃竊取遼主廐馬來降屢立戰功天眷初爲中原留守海陵即位封漆水郡王進封莘王久之進封蕭王正隆時例降封景國公

耶律塗山系出于遥輦氏在遼世爲顯族克宋洛陽平陝西皆與有功累官尚書左僕射致仕卒年九十一正隆時例贈特進郃國公

耶律恕字仲厚遼宗室讀書通契丹大小字屢從宗幹立戰功累官至太子少保正隆元年致仕封廣平郡王二年例贈銀青光祿大夫

盧彥倫臨潢人性機巧能迎合悼后意頗見寵用官至禮

部尚書加特進封郇國公

張通古字樂之易縣人讀書過目不忘中遼天慶二年進士宗望復燕京劉彥中以通古薦爲樞密院主奏改兵刑房承旨天德初拜平章政事封譚王改封鄆王以疾求解機務不許拜司徒封瀋王正隆元年進封曹王卒張浩字浩然遼陽渤海人本姓高東明王之後曾祖霸仕遼爲張氏天輔中以策干太祖爲承應御前文字天會八年賜進士及第授秘書郎海陵時爲戶部尚書平章政事後拜尚書右丞相兼侍中封潞王未幾改封蜀王正隆時例降魯國公後遷汴進封秦國公世宗卽位于遼陽浩朝京師入見拜太師尚書令封南陽郡王卒

耶律安禮系出遙輦氏事親盡孝熙宗時拜樞密副使封
譚國公遷尚書左丞進封鄴國公海陵時以諫伐江南
忤旨罷爲南京留守封福國公

納合椿本名烏野西京人初以女直字學生選補尚書省
令史累官參知政事正隆二年薨追封特進譚國公
擢盤溫敦思忠斯水人太祖伐遼時未有文字思忠以口
傳出入日至數千言無誤海陵時累官至平章政事封
部國公進拜左丞相兼侍中進封沂國公致仕後復拜
太傅領三省事進封齊國公正隆間例降封異姓惟思
忠封廣平郡王賜以玉帶

劉彥宗字魯開大興宛平人太宗時同中書門下平章事

知樞密院事加侍中從宗翰宗望伐宋有功天會六年
薨追封鄆王正隆二年例降開府儀同三司大定十五
年追封充國公

劉苦彥宗次子以遼進士從父兄歸金元帥府約束廢置
及四方號令多苦所畫熙宗幸燕法駕儀仗亦苦所計
論官至平章政事封吳國公天德元年封滕王二年進
封鄭又進封魯卒年五十八

烏延滿離黑連額路哲特猛安人從太祖伐遼勇聞軍中
累官延安平涼尹致仕封任國公

紇石烈志寧上京胡塔安人與國世爲甥舅世宗時拜平
章政事左副元帥後拜右丞相封廣平郡王進封金源

郡王

徒單合喜上京速蘇海水人膂力過人一有聞見終身不忘世宗九年官平章政事封定國公

紇石烈良弼本名婁室回柏川人年十四爲北京教授學徒常二百人十七補尚書省令史世宗時拜平章政事封宗國公居位幾二十年成就太平之功一時號稱賢相卒後追封金源郡王

徒單克寧本名習顯其先金源郡人占籍萊州善騎射通女直契丹字世宗時裨益功多臨崩卽榻前拜太師封湍王

石琚字子美定州人生七歲讀書過目成誦中天眷二年

進士第一世宗時官至右丞相封莘國公

韓昉字公羨燕京人登遼天慶二年進士第一以文學顯仕金至叅知政事皇統四年封沚國公

蔡松年字伯堅真定人以文學顯天德時拜尚書左丞封郕國公進封衛國公卒後加吳國公

蔡珪字正甫中進士第以文學顯大定時官脩撰遷禮部郎中封真定縣男

夾谷清臣本名阿不沙胡里改路恒篤人大定初首先推戴明昌二年官平章政事封芮國公未幾遷崇改封戴六年拜左相改封密

夾谷衡本名阿里不山東西路益打把謀克人中大定十

三年進士第四累官至平章政事承安四年封英國公
完顏安國字正臣本名闇母其先占籍上京世有戰功以
正隆元年從軍爲謀克積功官至樞密副使泰和三年
封道國公

張萬公字良弼東阿人幼喜讀書父夢至一室榜曰張萬
相公讀書堂已而萬公生因名焉登正隆二年進士第
明昌中官至叅知政事封壽國公

蒲察通本名蒲魯渾中都路人熙宗選護衛以父老懇辭
世宗時累官至平章政事封任國公又封芮國公

徒單鎰上京路人大定九年進士及第自中都路教授遷
爲國子助教承安五年拜叅知政事封濟國公宣宗即

位封廣平郡王

抹然盡忠本名象多上京都猛安人大定二十八年進士
第宣宗時拜右丞相封申國公後以棄中都伏誅

僕散端本名七斤中都路人事親孝選充護衛章宗時拜
平章政事封申國公宣宗時薨贈延安郡王

高汝礪字叔大金城人宣宗時累官尚書右丞監脩國史
封壽國公正大元年薨

胥鼎字尚之特國子興定初拜平章政事封莘國公後進
封溫國公

趙秉文字周臣滏陽人幼穎悟讀書若夙成登大定二十
五年進士第哀宗時官翰林學士草開興改元詔問巷

間皆能傳誦洛陽人拜詔舉舉城痛哭其感人如此累
官至資善大夫上護軍封天水郡侯

完顏合達名瞻字景山少長兵間習弓馬能得人死力累
官至平章政事正大四年封芮國公

完顏弼本名達吉不盖州猛安人少充護衛累官至山東
西路宣撫使貞祐四年誅叛將張汝楫封密國公

侯摯初名師尹避諱改名摯字莘卿東阿人哀宗時爲平
章政事封蕭國公

國安用本名咬兒溜川人李全餘黨歸金後特封兗王後
叛歸宋投水死

時青滕陽人初與叔父全俱爲紅襖賊歸金授銀青光祿

續文獻通考卷之百九十二

大夫封滕陽王後叛歸宋

宣宗興定三年太原不守河北州縣不能自立詔百官議所以長久計多請以高爵募土人使各保一方宰臣請多置公府宣宗意未決御史中丞完顏伯嘉曰宋人以虛名致李全遂有山東實地苟能統衆守土雖三公亦何惜焉宣宗曰他日事定公府無乃多乎伯嘉曰若事定以三公就節鎮亦何不可宣宗意乃決四年二月封滄州經畧使王福爲滄海公河間招撫使移剌衆家奴爲河間公真定經畧使武仙爲恒山公中都東路經畧使張甫爲高陽公中都西路經畧使靖安民爲易水公遼州從事郭文振爲晉陽公平陽招撫使胡天祚爲平

陽公昭義軍節度使完顏開爲上黨公山東安撫副使
燕寧爲京莒公九公皆兼宣撫使銀青榮祿大夫賜號
宣力忠臣總帥本路兵馬署置官吏徵歛賦稅賞罰號
令得以便宜行之

外戚封爵

金之外戚多以功
封非盡自私親也

石家奴蒲察部人祖斛魯短世祖外孫石家奴自幼時撫
養太祖家及長太祖以女妻之後伐遼宋屢有戰功熙
宗時封蘭陵郡王除東京留守卒後加贈鄭王正隆時
奪王爵封魯國公

僕散忠義上京古河人宣猷皇后姪元妃之兄世宗時以
功封榮國公子即僕散端

裴蒲運本名忽撻婆廬本部人爲人淳直孝友天輔六年
從蒲家奴追叛寇于鐵呂川力戰有功熙宗娶其女是
爲悼平皇后天眷元年授世襲猛安明年以皇后父拜
太尉封徐國公皇統九年悼后死未幾海陵弑熙宗欲
揚熙宗過惡以悼后死非罪封忽撻爲王

徒單恭本名斜也天眷二年以告吳十反事封譚國公海
陵取其女爲后封王拜平章政事進太師封梁晉國王
正隆間改封趙國公再進齊國公大定間降特進鞏國
公

李石字子堅遼陽人貞懿皇后弟世宗時以功封平原郡
主致仕後更封廣平郡王子獻可衛紹王即位以元舅

進封道國公

唐括德溫本名阿里上京率河人父撻懶尚唐宗女德溫
善射尚唐宗女楚國長公主天德初以兵部尚書出爲
大名尹世宗即位封道國公

蒲察阿虎迭初授信武將軍尚海陵姊遼國長公主廸鉢
爲駙馬都尉遼國薨繼尚鄒國長公主崔哥皇統中歷
官尚書節度使封葛王薨時年二十八海陵親臨葬贈
譚王正隆時例贈特進楚國公

蒲察鼎壽本名和尚上京曷速河人欽懷皇后父賦性沉
厚有明鑑通契丹漢字長于吏事尚熙宗女鄭國公主
貞元三年海陵以女弟慶宜公公主子加定遠大將軍爲

尚衣局使大定中歷官于外有惠政明昌三年以皇后
父贈太尉越國公鼎壽既世連姻戚女爲皇后長子辭
不失凡三尚定國景國道國公主寵遇如此而不以勢
驕人人稱爲外戚之冠云

烏古論元忠本名訛里也其先上京獨拔古人拜平章政
事封任國公

唐括質本名達歌太傅阿里之子尚世宗第四女吳國公
主授駙馬都尉歷官樞密使封華國公後復改封蕭
徒軍公弼本名習烈河北東路人父府君奴尚熙宗女公
弼尚世宗女息國公主至寧初拜平章政事封定國公
續文獻通考卷之一百九十二終

續文獻通考卷之一百九十三

皇明進士雲間王圻纂輯

封建考 元

元宗室駙馬通稱諸王歲賜之頒分地之大所以盡夫展親之義者亦優且渥然初制簡朴位號無稱惟視印章以爲輕重厥後遂有國邑之名而章印之等猶前日也具著于篇

按元制封一字王者金印獸紐兩字王者金印螭紐次有金印駝紐金鍍銀印駝紐金鍍銀印龜紐有止用銀印龜紐等級不同如此又同姓有無國邑而稱王者但曰宗王不詳錄

同姓封爵

闊闊出始祖第二子答里真之孫封寧海王

亦思蠻闊闊出之孫封寧海王

拔都魯闊闊出之孫延祐五年封寧海王

阿海闊闊出之孫封寧海王

買奴闊闊出曾孫泰定二年由泰寧王徙封宣靖王後
至元二年進封益王

右始祖之世

也苦烈祖第二子撻思答兒之子封淄川王

按只吉歹烈祖第三子哈赤溫之子至元二十四年封濟

南王

院里出烈祖第四子鐵木哥幹赤斤之子封壽王

朶烈坦哈赤溫之孫皇慶元年由濟王徙封吳王

瓜都烈祖第五子別里古台之孫中統二年封廣寧王

八不沙朶思答兒魯孫大德十一年封濟王

忽剌出按只吉反孫封隴王

也里只按只吉反孫至元二十四年封濟南王

木喃子按只吉反孫天曆三年由濟陽王徙封吳王

撿皮朶烈祖第六子天曆三年封濟陽王

乃蠻台鐵木哥曾孫至大元年封壽王

徹里帖木兒別里古台曾孫封廣寧王

玉龍帖木兒朶只哈里玄孫由保恩王進封恩王又封

齊王

勝納喀兒忽刺出子封濟南王

阿荅里迷失木喃子之子封西寧王

捌魯蠻鐵木哥玄孫封西寧王

薛徹干別里古台玄孫至治三年封定王

渾按察徹里帖木兒之子至順元年封廣寧王

脫脫乃蠻台之孫延祐三年封遼王

察兒台薛徹干之子泰定四年封定王

右烈祖之世

脫脫太祖長子木脫太子之子至大元年封寧肅王

忽察太祖第六子闊列堅太子之子至元元年封河間王

一名元古帶

完顏朮之子天曆二年封國王

阿只吉大祖第二子察合台太子之孫封威遠王

朮仁孫察合台太子曾孫至大三年封克王

忽魯木兒阿只吉子至治三年封威遠王

朮忽都鐵木兒子至元九年封南平王一云威遠王

大德十一年從仁宗平內難有功封越王至大二年以

怨望誅

脫惟忽察曾孫皇慶二年封安定王

朮兒只班脫惟子封安定王

右太祖之世

別帖木兒太宗長子闊端太子之孫延祐七年封汾王
察八兒太宗第五子合出大王之孫延祐元年封汝寧王
火即撒太宗第六子合丹大王之孫至大元年封隴王
也速不干別帖木兒子封荆王

哈反太宗第二子闊出曾孫至元二十七年封靖遠王一
云合贊

阿魯灰哈反弟封襄寧王

完者帖木兒察八兒子封汝寧王

禿滿太宗第七子滅里大王曾孫至大元年封陽翟王

也速不干哈反子至大元年封襄寧王

忽剌台完者帖木兒子泰定元年封汝寧王

太平滅里玄孫泰定元年封陽翟王

曲春禿滿子封陽翟王

帖木兒赤曲春子封陽翟王

右太宗之世

禿魯定宗第三子忽禾之子至元九年封南平王

右定宗之世

王不忽爾睿宗第七子阿里不哥之子大德九年由定遠

王徙封威定王

孛顏帖木兒阿里不哥孫封魏王

孛羅孛顏帖木兒弟延祐四年由鎮遠王進封冀王

藥木忽見孛羅弟封魏王

那海阿里不哥孫至大三年封鎮寧王一作那懷

牙忽都睿宗第八子撥徹大王孫大德十一年由鎮遠王進封楚王

脫脫木兒睿宗第十子歲都哥孫封荆王

合贊睿宗第三子旭烈兀曾孫至元二十七年封靖遠王
哈兒班答合贊弟天曆二年封廣平王

脫烈鐵木兒牙忽都子至大中封楚王延祐二年被黜
天曆元年復故封

伯顏木兒睿宗第九子末哥曾孫封永寧王

也速不堅脫脫木兒子封荆王

出伯哈兒班答子大德十一年由威武西寧王進封幽

王

八鄰兒脫烈鐵木兒子封楚王

南忽魯世德子延祐七年襲封幽王

右廢宗之世

光祿衛尉第三子王龍答失之子大德九年封惠安王至

六子封王

光祿衛尉第四子昔里吉之子延祐四年封嘉王

一云封并王

徽徽禿光澤子至順二年由武寧王進郊王

火兒忽見大帖木兒子封嘉王

右憲宗之世

忙汗刺世祖第三子至元十年封安西王益封秦王別賜金印其府在長安者爲安西在六盤者爲開成皆聽爲官府十七年薨二十四年中書奏王次子按達不花襲秦王印詔阿難答旣爲安西王其秦王印宜上之然其後猶稱秦王阿難答

忽哥赤世祖第五子至元五年封雲南王出鎮雲南
魯赤世祖第七子至元中封西平王

闊闌出世祖第八子大德十一年由寧遠王進封寧王
脫里世祖第九子至元二十一年封鎮南王出鎮揚州二
十二年奉旨征安南大德五年薨一云封安定王
也先帖木兒忽哥赤子至元中由鎮東王徙封魯王

鐵木兒不花與魯赤子大德元年封鎮西武靖王
八的麻的加與魯赤子封西平王泰定元年封晉王
薛徹禿闊闊出子皇慶元年由寧遠王進封寧王
阿魯赤闊闊出子至順元年封西靖王後封寧王
老章脫懽子大德五年封鎮南王
蠻子脫懽子封文濟王

不答失里脫懽子皇慶二年封安德王

老的罕鐵木兒不花子至大二年封雲南王

搠思班鐵木兒不花子封鎮西武靖王

鐵木不花老章子封鎮南王

寬徹普花老章子封威順平王

帖木兒不花老章子至元二十八年封肅遠王天曆二
年由鎮南王改封宜讓王

阿禿納納失里老的罕子天曆元年封豫王

孛羅不花鐵木不花子封鎮南王

右世祖之世

松山顯宗長子至元二十年以皇曾孫出鎮雲南封梁王
迭爾哥兒不花顯宗第三子至大二年徙封湘寧王

玉禪松山子泰定元年由雲南王進封梁王天曆元年
師帥與太平王燕帖木兒戰於柳林見殺

八次失里造爾哥兒不花子至治三年封湘寧王
帖木兒不花玉禪子泰定元年封雲南王

右順宗之世

阿魯阿不哥子封魏王

阿魯阿不哥子至順元年封西靖王

孛羅帖木兒阿不哥子封魏王

右順宗之世

禿魯思不花仁宗第二子延祐二年封安王七年降封順

陽王尋被殺

右仁宗之世

八的麻亦兒間卜泰定第二子泰定元年封晉王天曆元

年殞於上都

右泰定之世

異姓封爵

按陳特薛禪子姓字思忽兒弘吉刺氏元貞中以武功追封濟寧王

帖木兒按陳子至元中以武功封平王

都羅按陳之裔至元四年以武功封懿國公

阿剌兀思惕吉忽里沙陀人太祖時以武功追封高啓王
鎮國惕吉忽里姪太祖時以惕吉忽里功封北平王

木華黎世居阿難太祖時以武功封太師魯國王至治元年追封其父孔溫窟哇魯國王

孛羅木華黎子至治元年以武功封魯國王

孛羅木華黎子延祐三年以武功追封平郡王

乃燕速渾察子至正中以武功追封魯郡王

碩德乃燕子世祖時以武功追封魯郡公

額魯突魯子大德八年以武功追贈東平王

博爾木阿兒刺氏大德五年以武功追封廣平王

孛樂台博爾木子以武功追封廣平王

王昔帖木兒博爾木孫大德五年以武功追封廣平王

月赤察兒博爾忽子武宗時以武功封洪陽王

察罕唐兀人憲宗時以武功追封河南王

木花里察罕子世祖時以武功追封梁國公

立智理威木花里從孫至大中以武功贈寧夏國公再進

秦國公

札八兒火者賽夷人太祖時以武功追封梁國公

阿里罕火者子憲宗以武功追封涼國公

明察里火者子以武功追封涼國公

怯台术赤台子自太宗及世祖歷事四朝封德清郡王自

怯台而下凡九人並封郡王

速不台蒙古人定宗時以武功追封河東王

按竺適其先雲中人延祐元年以武功封秦國公

忙哥忽都忽子太宗以其父功封秦國公

博羅權瑣魯大都子大德中以武功封秦安王

雪不台蒙古人至大元年以武功贈河南王

愛魯唐兀人世祖時征交趾感瘴癘卒子教化請于朝廷

封魏國公

斡直朮魯莽蒙古人武宗時以武功追封衛國公

純只海散木台氏皇慶初以武功贈溫國公

艾貌拔都慶里氏至元末追封武城郡公

塔本伊吾廬人太祖時以武功追封營國公子阿失帖木

兒嗣封

阿台帖木兒子世祖時以武功追封永平郡公

瑛咬兒哈的迷失阿台孫泰定初以武功追封永平郡公

速哥蒙古人太宗時以武功追封宣寧王

忽蘭速哥子太宗時以武功追封雲國公子天德于思世

祖時嗣封

杜哥撒兒赤老溫曾孫至順四年以武功追封克國公
伯答沙赤老溫曾孫至順三年以武功追封威平王

孟速思畏吾人武宗時以武功追封武都王

賽典赤瞻思丁回回人大德元年以守雲南功贈咸陽王
納速剌丁瞻思丁子至元二十九年以武功封延安王
伯顏察兒納速剌丁子以武功贈奉元王

忽辛瞻思丁次子天祿元年以武功贈雍國公

布魯海牙畏吾人大德初以武功追封魏國公

高智耀河西人世祖時以武功追封寧國公子睿延祐中
追封同其父

鐵哥伽葉人皇慶中追封秦國公加贈延安王

安昔謫突魯子大德七年贈東平忠憲王碑曰開國元勳
兀魯帶安童子大德中贈東平王

庶希憲有魯海牙子大德八年以賢臣追封魏國公加恒
陽王

伯顏蒙古人至元十八年領群臣食品益伯顏滕州等處
四千九百七十七戶大德八年追封淮安王至正四年
進封淮王

阿朮兀良氏世祖時以平宋功實封秦興縣二千戶後追
封河南王

阿里海牙畏吾人至元二十三年以武功封楚國公至正
八年進封江陵王

土土哈欽察人世祖既取宋命籍建康路饒租戶千爲哈
爾赤戶益以俘獲千七百戶賜土土哈大德初追封延
壽公後加封昇王

詳兀兒土土哈子至治中累封楊王 子燕帖木兒答剌
罕封太平王答里襲封句容郡王

阿剌海遜都思人至元二十六年以武功追封順昌郡王
小德字德卿西夏人至元十九年征交趾卒追封滕國公
撒里燕只吉台氏大德九年以武功追封徐國公至治二
年追封武寧王

不忽木康里部人武宗時以武功贈魯國公

完澤土別燕氏大德七年以賢相追封興元王

薛澤薛理畏元人延祐四年以賢相追封趙國公祖

自隆理父乞台薛理追封同

加及乃蠻人仁宗時以定策功封浚都王

以魯赤札剌台人大德元年以武功追封鄭國公

完者都欽察人大德二年以武功追封林國公

亦黑迷失畏吾兒人仁宗念其屢使絕域封吳國公

哈剌解哈魯氏皇慶元年以武功封鞏國公

暗伯唐兀人世祖時以武功封寧夏郡公

葉先鼎畏吾人成宗初以武功封鞏國公

月乃合字正卿狄道人世祖時以足國用贈梁郡侯

愛薛西域人仁宗時以賢相封秦國公後追封拂林忠獻

王子也里牙襲封秦國公

禿忽魯麻里人太德七年以謀國功封趙國公

唐仁祖子壽卿畏兀人大德中以賢相追封洹國公

和尙伯牙子白氏父忽都思睿宗時戰沒于陣贈沅國公

和尙景父職世祖時亦追封沅國公子千奴延祐中以

賢相追封衛國公

幹羅思唐里人皇慶中以賢相封益國公

也先不花蒙古人天曆二年以賢相贈恒陽王

亦憐真也先不花子延祐元年以賢相追封武昌王

禿魯也先不花子天曆中以賢相追封廣陽王

按攤也先不花子天曆中以服夷功追封趙國公

哥木高昌人大德中以平賊功追封雲國公 孫海
招復

月舉建牙畏兀兒人大德中以平寇功追封威寧郡
公

烏剌兀兒吉氏延祐中以出使功追封蘇國公

脫因結答答義氏文宗時以宣力守義功臣追封冀國公
哈刺哈孫幹刺納兒氏世祖時有功至大中追封順德王
初仁宗之入也阿忽台有勇力人莫敢近諸王禿剌實
手縛之以功封越王三宮盡幸其第賜予甚厚以慶元
路爲其食邑哈刺哈孫力爭之曰祖宗之制非親王不
得加一字之封禿剌疏屬豈得以一日之功廢萬世之

制哉帝不聽

牙牙唐國王族從其母歸太宗後封爲唐國王

阿沙不花牙牙子至正元年以賢相追封順寧王其總室
別名德氏初以寡居志節旌後與元配達海的斤氏並
封爲王夫人

拜住與孫泰定初以賢相追封東平王

阿里海牙畏吾氏延祐中以賢相贈趙國王

唐惠脫脫阿沙不花弟至正初以賢相追封和寧王

脫脫字大用伯顏姪至正中以賢相封鄭王食邑萬戶
不受

初撰帖木兒議封太保伯顏王爵衆論附之甲書左司

郎中自當獨曰太保位列三公而復加王爵後非有大功將何以處之且丞相封王出自上意今欲加太保王封宜請于上王爵非中書選法也遂罷其議

哈刺章脫脫長子脫脫出師討賊被譖中毒死御史張冲等雪其冤於是復脫脫官爵而封哈刺章申國公

時監察御史聖奴也先撒都失里等皆請封脫脫一字王爵定諡及加功臣之號朝廷雖是之而不暇行

乃續台木華黎五世孫祖阿禮吉失追封昔王父勿速忽爾追封蘇王

續台以至順元年封宣寧郡王至正八年追封魯王

別兒帖不花字大用燕只吉禡氏至正十年追封冀王

察罕帖木兒字廷瑞北廷人至正中討山東賊爲張士誠所刺追封忠襄王改封潁川王食邑沈丘縣所在立祠歲時致祭封其父阿魯溫汝陽王後又進封梁王

馬祖常字伯庸昔里吉思玄孫後至元四年以賢臣贈魏國公

小雲石海涯阿里海涯孫父貫只哥封楚國公雲石海涯泰定元年以賢臣追封京兆郡公

泰不花字謙善伯牙吾台氏至正十二年守台州死于方國珍後三年追封榮國公

余闕字廷心一字天心家世河西威武人後爲廬州人至正十七年守安慶死于陳友諒追封肅國公

福壽唐兀人至正十六年爲大明兵攻集慶城破不死
追封衛國公

火爾赤至正中爲江西行省左丞陞平章政事加營國公
亦憐真班西夏人至正十四年以疾卒于江西追封齊王
阿剌不花開平人爲江西行省叅政追封趙國公

耶律楚材字晉卿遼東丹王八世孫太祖時歸朝當國最
久至順元年追封廣寧王

耶律鑄楚材子至順元年贈懿寧王

粘合重山金源貴族世祖時守西鄙有功封魏國公

張柔字德剛定興人中統元年以武功封安肅公至元四
年進封蔡國公

張弘畧字仲傑柔子元貞二年以佐理功贈燕國公

董俊字用章真定薊城人世祖時以翊運効節封壽國公

後改封趙國公

董文蔚字彥華俊次子中統三年留屯上都誅李璫至元元年卒泰定中贈壽國公

董文用字彥材俊第三子大德中以武功贈壽國公

董文忠字彥誠俊第八子世祖時以武功封壽國公

嚴實字武松泰安長清人中統二年以武功追封魯國公
劉伯林濟南人太祖時自金來歸後封秦國公

黑馬名疑字孟方伯林子世祖時死于瀘州封秦國公

移剌涅兒契丹人太祖時以武功追封興國公子貴奴孫

元臣皆以功追封如涅兒

忙古帶契丹人寶童之子世祖時征雲南有功至大四年
追封濮國公

何伯祥易縣人隨太祖南伐有功追封易國公

何德伯祥子至大三年以賢相追封梁國公

耶律阿海遼故族至元十年以武功封忠武公

郝和尚拔都太原人太宗時以武功追贈董國公

趙瑁雲中蔚州人太祖時攻相州矢鏃中鼻側從腦後出
復戰皇慶中追封定國公

趙素溫瑁子皇慶元年贈雲國公

張榮字世輝濟南歷城人世祖即位以武功封濟南公

高閼兒女直人元貞中以武功贈渤海郡侯

邸順保定行唐人大德三年以武功追封高陽郡公

王善字子善真定藁城人皇慶元年以武功追封冀國公

田雄字毅英北京人定宗時以武功追封西秦王

張子良字漢臣范陽人中統二年以武功追封西河郡侯

張懋字之美子良子至元十七年以武功追封清河郡侯

劉斌濟南歷城人中統時以武功贈彭城郡公

劉思敬斌子至元二十年以武功封濱國公

趙柔涑水人至順元年以武功封天水郡公

王守道字仲履其先真定平山人至大元年以子顯貴追

封壽國公

高宣遼陽人皇慶二年以宣力功臣追封營國公子天錫
事世祖潛邸後以功追封同其父天錫子諒仁宗時亦
以功追封如之

焦用雄州人自金歸元後以子德裕貴封恒山郡公德裕
有武功至元二十五年追封恒國公

石天麟字三瑞順州人至大二年以武功追封冀國公
賈居貞字仲明獲鹿人至元中以武功追封定國公

洪福源其先中國人後家于高麗太祖時來附憲宗時贈
瀋陽侯

鄭鼎澤州陽城人至元十四年溺死樊口後追封潞國公
鄭制宜鼎子大德十年以推忠贊治功臣追封澤國公

汪世顯字仲明鞏昌人中統三年論功追封隴西公延祐七年加封隴右王

汪德臣賜名田哥字舜輔世顯子中統三年追封隴西公汪良臣德臣弟至元十八年以武功追封梁國公

史天澤字潤甫秉直季子至元十二年以武功進封鎮陽王

張洪範字仲_時柔第九子至大四年以武功贈齊國公延祐六年加封淮陽王

劉秉忠字仲晦初名侃因從釋氏又名子聰其先瑞州人秉忠事世祖三十餘年小心慎密精于占術至元十二年封趙國公仁宗時進封常山王

張文謨字仲謨邢州沙河人至元十三年以武功追封魏國公子曼任至御史中丞贈魏國公

姚樞字公茂柳城人至元十三年以翰林學士承旨卒追封魯國公

許衡字平仲河內人至大二年以賢臣封魏國公

竇默字子聲廣平人至元十七年卒後以賢臣封魏國公
商挺字孟卿濟陰人至元二十五年卒延祐初以賢臣贈魯國公

趙良弼字輔之女直人至元二十三年以賢臣追封韓國公

王盤字文炳廣平人至元末以賢臣追封洛國公

劉肅字才卿威州洺水人中統四年以賢贈邢國公

王思廉字仲常真定獲鹿人延祐中以賢臣追封恒山郡公

孟祺字德卿符離人至元十八年以賢臣贈魯郡公

李庭小字勞山由濟陰徙壽光至大二年以武功追封益國公

史弼字君佐蠡州博野人元貞三年以舊臣封鄂國公

高興字功起蔡州人皇慶二年以賢臣追封梁國公元統三年加封南陽王

劉國傑字國寶女直人久行邊患瘴卒大德中封齊國公

王恂字敬甫中山唐縣人延祐二年以賢臣贈定國公

孟攀麟字駕之雲內人延祐三年以賢臣贈平原郡公

張弘綱字憲臣東安州人世祖時以武功追封齊郡公

賈文傳字仲武蒲陰人延祐四年以武功追封威武郡公

解誠易州定興人至元三十年以善水戰功追封易國公

子汝楫追封同父 汝楫子帖哥征交趾有功贈平陽

郡公

管如德黃州黃陂縣人至元二十六年討江西叛臣鍾明

亮卒于軍贈平昌郡公

周全汝寧光州人大德九年以武功追封汝南郡侯

楊漢英字熙載太原人賜名賽因不花父那憲爲播州安

撫使自宋歸元卒追封播國公至大四年漢英追封同

父

隋世昌登州棲霞人至元二十三年以武功封定海郡侯
樊楫冠州人至元二十五年征交趾死至順元年 贈上黨

郡公

趙宏諱字子英自甘陵徙潁川至元時由宋來歸有軍功
泰定三年卒追封天水郡侯

張德字可川自渤海徙通州至元三十一年卒以武功封

清河郡公

呂貳字伯充河內人延祐元年卒以賢臣追封東平郡公
王憚字仲謀衛州汲縣人大德八年以賢臣追封太原郡

陳天祥字吉甫自寧晉徙家洛陽延祐三年以賢臣追封趙國公

劉宣字伯宣潞人延祐四年以賢臣追封彭城郡公

何榮祖字繼先自太原徙家廣平世祖時以賢臣追封趙國公

陳思濟字濟民柘城人大德五年以賢臣追封潁川郡侯
趙與霖字晦叔宋宗室子大德中以賢臣贈天水郡侯
許國禎字進之絳州曲沃人至元中卒以賢臣後追封蘇國公子辰仁宗時追封趙國公

賀仁傑字寬甫由河東徙京兆仁宗時以武功追封雍國公延祐六年加封奉元王

賈昔刺大興人世祖時追封聞喜郡侯子丑妮子從伐宋
追封臨汾郡公會孫禿堅不花以忠被譖死英宗時追
封冀國公後進封冀安王加贈其曾祖昔刺祖丑妮子
皆絳國公父虎林赤臨汾王

王伯勝霸州文安人世祖時從征有功泰定三年追封薊
國公

雷膺字彥正渾源人大德元年以武功追封馮翊郡公
王利用字國賓通州潞縣人武宗時以宮僚舊臣封潞國
公

暢師文字純甫南陽人泰定二年以賢臣追封魏國公
張紹字彥明濟南人延祐五年以賢臣追封清河郡侯

張時字顯卿東平汶上人至元十一年以賢臣追封
郡公

吳璠字鼎臣燕人延祐三年以賢臣追封荊國公

劉因字夢吉保定容城人延祐中以賢臣追封密城郡公
吳澄字幼清撫州崇仁人天曆中以賢臣追封臨川郡公
程鉅夫名文海避諱以字行自徽州徙建昌泰定二年以
賢臣追封楚國公

趙孟頫字子昂宋秦王德芳後家于湖州至治元年追封
魏國公又封其曾祖師垂祖希永並吳興郡公父與嵩
魏國公

袁桷字伯長慶元人泰定四年以賢臣追封陳留郡公

曾元用字子真由河城徙汝上天曆中以賢臣追封東平郡公

齊履謙字伯宏善之子至順三年以賢臣追封汝南郡公
崔斌字仲文馬邑人至大初以武功追封鄭國公

崔武字文卿弘州人至大元年以賢臣追封鄭國公

李字太白一字舜王杭州人自宋歸元至正八年追封
南陽郡公

郭貴字安道保定人至順二年以賢臣追封蔡國公

郝天挺字繼先肅州人皇慶二年以賢臣追封冀國公

張珪字廷瑞弘範子英宗稱為四世舊臣刻蔡國公印以
賜

李孟字道復上黨人至治九年以舊臣追封魏國公

張養浩字希孟濟南人至順二年以賢臣追封濱國公

散僉字威卿由河東徙易水天曆中以賢臣封魯國公

李元禮字廷訓真定人大德中以賢臣追封隴西郡侯

王壽字仁卿涿郡新城人至大三年以臣贈薊國公

王倚字輔臣東萊人至元二十九年以賢臣追封太原郡

侯

劉正字清卿青州人延祐六年以賢臣贈趙國公

謝讓字仲和潁川人仁宗時以賢臣追封陳留郡公

韓若愚字希賢保定滿城人天曆三年以賢臣追封南陽

郡公

趙師魯字希顏霸州文安人後至元三年以賢臣贈天水郡侯

劉德溫字純甫大興人至順四年以賢臣贈彭城郡侯

張思明字士瞻由獲嘉徙居輝州後至元三年以賢臣贈清河郡公

吳元珪字君璋廣平人泰定元年以賢臣追封趙國公

陳顯字仲明青州人至正十四年以賢臣追封蘇國公

劉敏中字端甫章丘人延祐五年以賢臣追封齊國公

王結字儀伯易州定興人後至元四年以賢臣追封太原郡公

賀勝仁傑子至大中被譖死泰定初雪其冤追封秦國公

至正三年加封涇陽王

楊朶只兒寧夏人仁宗時爲鐵木迭兒譖死後昭雪追封夏國公

蕭醜奴契丹石抹氏太祖時自金降元追封順國公子青山從伐宋有功青山子哈剌帖木兒少事裕宗于東宮典宿衛仕知檀州皆追封順國公帖木兒子拜住相仁宗爲鐵木迭兒譖死泰定間追封薊國

耶律希亮字明甫楚材孫泰定四年卒追封漆水郡公

趙思延字子敬雲中人歷事九朝天曆中以賢相封魯國公二年改涼國公後至元元年仍封魯國公至正二年入追封魯國公子伯忽天曆初死難于蜀追封蜀國公

元明善字復初大名清河人泰定間以賢臣追封清河郡公

虞集字伯生宋允文五世孫至正八年以賢臣封仁壽郡公

揭傒斯字曼碩龍興富州人至正六年以賢臣追封豫章郡公

黃潛字晉卿婺州義烏人至正中以賢臣追封江夏郡公
歐陽玄字原公由廬陵遷瀏陽至正十七年以賢臣追封
楚國公

李木魯神字子輦廣平人後至元四年以賢臣追封南陽
郡公

王克敬字叔能大寧人元統二年以賢臣追封梁郡公
陳思謙字景讓祐之孫至正十二年以賢臣追封魯國公
汪澤民字叔志婺源人至正中死于宣州寇追封譙郡公
李稷字孟幽滕州人至正二十四年以賢臣追封齊國公
甫蓋字耘夫元城人至正中以賢臣追封魏國公

曹鑑字克明宛平人後至元元年以賢臣追封曹郡侯
董搏霄字孟起磁州人至正中死于河南毛貴賊追封魏
國公弟昂霄同死追封隴西郡侯

瞻思字得之豐州人後至元十一年以賢臣追封恒山郡
侯

田滋字榮甫開封人大德十年以良吏追封開封郡公

卜大璋字君璋洛陽人至順二年以良吏贈河南郡侯

劉天孚字裕民太名人至正中不屈于陝西叛臣阿思罕

而死贈彭城郡侯

李黼字子威潁人至正中守江州罵賊而死追封隴西郡

公

褚不花字君實石樓人至正十二年死節淮安追封衛國

公

郭嘉字元禮濮陽人至元十八年死節上京封太原郡公

孫撫字士謙曹州人至正中死節高郵追封曹南郡公

樊執敬字時中濟寧人至正中死節餘杭追封魯國公

王伯顏字伯敬濱州霑化人至正中死節福寧州追封太

原郡侯

趙峻台趙世延子至正中死節江陵追封涼國公

陳君用字子才延平人至正中死節建寧路追封潁川侯
丁好禮字敬可真定人至正二十七年爲中書平章政事
議論不合謝政去特封趙國公

杜瑛字文玉由信安徙河南緱氏天曆中以隱逸追封魏
郡公

外戚封爵

聶古解駙馬由北平王進封鄒王

木忽難駙馬至大元年襲封鄒王

丑漢駙馬皇慶元年改封安遠王

幹陳駙馬封魯王

蠻子台駙馬由濟寧主進封魯王

阿不歹駙馬大德十一年封魯王

瑯阿不刺駙馬始封鄆安王武宗初即位時封魯王

阿里加失立駙馬至大四年封魯王

桑哥八剌駙馬元統元年封魯王

火星兀察兒駙馬泰定皇后父泰定二年封威靖王

孛要哈駙馬封趙王

愛不花駙馬封趙王

君不花駙馬封趙王

闊里吉思駙馬成宗封高唐王大德二年封趙王

義加台駙馬封趙王

崔察駙馬封趙王

主察駙馬至大元年封趙王

阿魯台駙馬延祐七年封趙王

馬朴罕駙馬泰定元年封趙王

唐克駙馬封昌王

鑽兒哈駙馬封昌王

札忽爾陳駙馬封昌王

忽憐駙馬封昌王

八刺失里駙馬封昌王

沙監朶兒駙馬由懿德王進封昌王

阿失駙馬延祐四年封昌王

合伯駙馬大德十年封昭武王

木剌忽駙馬天曆二年封廣平王

唆都哥駙馬至元二十三年封寧昌郡王

不憐吉歹駙馬封寧昌郡王

昌吉駙馬初無國邑後改封寧濮郡王

脫脫木兒駙馬大德十年封濮陽王延祐四年進岐王

孛羅帖木兒駙馬後至元二年封毓德王

床兀兒欽察人尚也先帖爾公主武宗即位封睿國公二年封句容郡王後文宗以其子燕鐵木兒有大功封其曾祖父班都察溧陽王曾祖妃王龍徽溧陽王夫人祖

父土土哈昇王祖妣大哈爾昇王夫人父床兀兒穆王
母也先帖爾公主察吉兒並爲楊王夫人

三寶奴高麗奇氏順帝后族武宗時由渤海國公加應國公
燕鐵木兒女伯牙吾氏爲順帝后以功封太平王進德王
撒敦燕鐵木兒弟元統初封榮王

唐其勢燕鐵木兒子襲封太平王後以謀逆誅

伯顏尚世祖闕出太子女孫卜顏的斤以甥戴順帝功由
濟寧王封秦王後以橫逆誅

馬札兒台伯顏弟至正元年封忠王

恩澤封爵

張與材龍虎山道士號正一天師漢張道陵三十六代孫

武宗即位來覲特授金紫光祿大夫封留國公錫金印
張留孫之師漢信州貴溪人大德中以道教追封其三代
皆魏國公

吳全字成季饒州安仁人至大三年以道教追封其父
司徒饒國公母饒國太夫人

田忠良字正卿平陽人延祐四年以方伎追封趙國公
靳德進先潞州人後徙大名仁宗時以方伎贈魏國公
孫處渾源人至大二年以工藝封神川郡公子拱大德九
年封如其父

阿尼哥尼波羅國人至元十五年以工藝封涼國公
鐵木迭兒者木兒火赤之子仁宗時以奸伎追封其三代

並歸德王

搆思監亦憐真之子後至元十八年以佞倖封其曾祖孛魯海爲雲王祖也先不花爲瀛王父亦憐真爲冀王

喀喀統阿畏兀人世祖乳母夫至大二年追封雁門郡公力渾迷力喀喀統阿子世祖時以乳母子統宿衛封雁門郡公

完顏伯顏成宗乳母夫至元三十一年六月封爲冀國公妻何氏爲夫人

燕家奴武宗皇太子乳母夫大德十一年武宗即位封爲壽國公妻李氏爲壽國夫人

石林明里武宗保母夫大德十一年武宗即位封爲順德

公其妻梅仙封順國夫人

外國封爵

世祖中統二年封陳光昺爲安南國王 至元十三年封
宋主累爲瀛國公 十五年封宋福王與昺爲平原郡
公二十四年卒以子孟桂襲封

成宗

十一年封高麗王昺爲潘王

仁宗延祐三年封高昌主紐林的斤爲高昌王 六年封
高麗王璋爲潘王後高麗王燾亦封潘王

英宗至治三年封高昌主帖睦兒普化爲高昌王天曆二
年讓其弟錢吉襲封

泰定帝三年封高麗王嵩爲潘王

文帝至順三年封高昌王太平奴爲高昌王

續文獻通考卷之一百九十三終